

Pusat beli tanah bina rumah mangsa bah

1,858 rumah di Kelantan rosak akibat banjir dan kerja baik pulih dengan kos RM5,000 hingga RM10,000 setiap rumah sedang dilakukan.

Sedia rumah transit

"Setakat ini, 62 rumah sudah siap dibaik pulih. Kita jangka semua rumah yang rosak akan siap pada Jun ini," katanya sambil mengarahkan rumah transit disediakan secepat mungkin kepada mangsa yang masih tinggal dalam khemah sementara menunggu rumah kekal siap dibina.

Timbalan Perdana Menteri yang juga Menteri Pendidikan berkata, beliau sendiri akan membuat pemantauan setiap bulan bagi memastikan kerja pembinaan rumah kekal dan membaiki rumah yang rosak berjalan lancar.

"Saya minta maaf jika lama tunggu (rumah kekal), jangan marah kerajaan, kami ada perancangan ke arah penyediaan tanah untuk bina rumah kekal," katanya yang turut mengumumkan peruntukan RM1 juta untuk pembinaan dewan Sekolah Menengah Kebangsaan (SMK) Dabong.

» *RM700 juta disalurkan, 15 tapak dikenal pasti seluruh Kelantan*

Oleh Anwar Hussin, Petah Wazzan Iskandar, Sahidi Yusof dan Izuan Shamsuddin
bhkb@bh.com.my

► **Kuala Krai**

Kerajaan Pusat akan membeli tanah sebagai tapak untuk membina rumah kekal mangsa banjir yang hilang kediaman akibat bencana itu yang melanda ne-

geri ini pada Disember lalu, kata Tan Sri Muhyiddin Yassin.

Timbalan Perdana Menteri berkata, masalah tanah adalah isu utama yang dihadapi dalam membantu mangsa bencana terbabit dan ia menyebabkan hanya lima daripada sasaran 1,918 unit kediaman, disiapkan setakat ini.

Kenal pasti 15 tapak

"Jawatankuasa Pembangunan Pasca Banjir sudah diarah mengenali pasti tanah sesuai dan ia perlu berdekatan rumah asal mangsa banjir. Sebanyak 15 tapak sudah dikenal pasti untuk pembinaan rumah kekal di seluruh negeri ini," katanya selepas meninjau kerja pasca banjir di Dabong, di sini semalam.

Yang turut hadir, Menteri Perdagangan Antarabangsa dan Industri, Datuk Seri Mustapa Mohamed; Menteri di Jabatan Perdana Menteri, Datuk Seri Shahidan Kassim dan Ahli Dewan Undangan Negeri (ADUN) Dabong, Datuk Ramzi Abd Rahman.

Muhyiddin yang juga Pengerusi Jawatankuasa Bencana Negara berkata, Kerajaan Pusat akan menggunakan peruntukan RM700 juta yang disediakan untuk membantu mangsa banjir sebelum ini bagi membiayai pembelian tanah terbabit.

"Pemilihan tanah akan dibincangkan dan kita akan dapatkan persetujuan mangsa banjir supaya apabila rumah kekal siap dibina, mereka bersedia mendiaminya. Sebanyak